

十朝东华录

康熙朝

卷之三

康熙十九年庚申春正月甲午勇略將軍陝西提督趙良棟奏臣率兵從白水壩浮水渡江擊賊大敗之追至青川石峽溝復敗其伏兵龍安府僞總兵姜應熊等降遂復龍安府得旨嘉獎下部議敍○丙申諭奉命大將軍康熙王傑青王所奏據實指參事已經覽悉朕思凡行一事必前後計處果有裨於國家始可舉行若輕率妄動必致舛錯今廣西南漢中興安等處俱已底定逆賊餘黨引領以冀歸正者不止百千若將耿精忠卽行正法不但已經投誠之人以爲後日亦必如此聲明其罪卽未經投誠之人睹此寒心亦未可知關繫實重前朕手諭欲令耿精忠來京者蓋撤回福建一半滿兵之意非欲卽行處決俾其先來也如王善能勸諭令至京師諸事皆得平安王但加意開導之不可輕舉彼如必不赴京再行詳悉密奏候旨○壬寅勇略將軍然西提督趙良棟奏招撫僞知州蔡郭僞副將郝俊龍等七員僞遊擊知州知縣等官五十七員兵丁三千三百餘名又生擒賊兵二百六十七名下部議敍○甲辰勇略將軍陝西提督趙良棟奏僞總兵潘九蘭僞知州田大有等三百一十六員投誠下部議敍○乙巳舊威將軍平涼提督王進寶奏康熙十八年十二月二十七日臣率官兵至神宣驛聞朝天關有賊踞守臣卽飭令官兵奮勇撲剿過關二十九日馳至廣元縣分途追擊擒斬賊兵無算恢復縣城得旨嘉獎下部議敍○丁未諭政王大臣等將軍趙良棟攻克白水壩青川招撫龍安成都指日可復將軍王進寶亦分兵三路於正月初旬近偏保甯逆賊王屏藩等困迫必各潰遁其移檄嚴防揚二勤渝治都等乘機急取重慶夔州勦禦逆賊如遲延觀望誤此事機嚴治其罪○招義將軍伯馬承廕標兵以餉匱鼓譟大將軍蒲綱王喇布卽撥餉給發兵遂甯戢理事官麻勒吉等奏馬承廕黃明葉秉忠在賊中俱係為將軍今同來歸誠馬承廕授爲將軍伯而黃明葉秉忠未授職銜致兵眾肆行葉秉忠已年老乞休無復異志惟黃明强悍爲柳州官兵所懾服若不調用他所恐終爲患○上諭授黃明爲援勦總兵官率馬承廕標兵一千赴將軍莽依圖軍前隨大兵進剿雲貴葉秉忠授總兵官職銜許其休致○庚戌先命昭義將軍伯馬承廕設立五營會剿雲貴王是揚威大將軍簡親王喇布奏五營兵少應增援勦二營共爲七營營各一千人上諭凡將軍標下無設七營之例馬承廕所屬官兵黃明率一千隨征雲貴外廣西省城甚重其更撥一千赴大將軍簡親王軍前馬承廕標下仍立五營兵五千參將守備各官聽馬承廕選擇具奏○辛亥以庫勒納爲翰林院掌院學士由詹事選○以安親王岳梁班師抵武昌遣使臣慰勞賜橐駝良馬○諭九卿等科道官內升外轉原以示勸懲也今見才優者猶知憚於外轉其或才力不足不稱言職之人安於外轉道員者甚多是以示勸非所以示懲也故令九卿詹事科道會議務期得當魏象樞等奏稱恩天下不肖之輩不識朝廷慎重道員之意疑爲厭薄言路之端等語過年以來姚文然李之芳施維翰等內升未久卽任以大僚督撫亦因其克盡言職才能素著之故也此無論天下智愚不肖當亦知朝廷無厭薄言路之意矣其外轉者或係素無建白或係昧於事理或係任聽妄言或係才力不及原非因其條奏而外轉也又稱近年外轉之科道並無貪汚稱職之一人而五部郎中卒深升道

如范永茂高恆孫盧元培程汝灝等職私槩空劣蹟彰彰不知凡幾等語科道外轉者豈並無陋職之一人乎五部俸深升道員者甚多豈係貪劣之人乎如陳丹赤等優者匿而不言獨舉范永茂等四人不辨賢否而概言之可乎魏象樞去歲七月內會於朕前面奏科道官所行皆係徇私有負朝廷耳目之任罪皆應死今甫數月復言外轉者並無漏職之一人前後參差何其速耶爾等所奏理不宜批答因疏語內有以存國體之語故令諸臣知之至若外轉科道以小品官員用迷至有傷國體朕殊不解故特諭諸臣示以朕意○壬子 上幸鞏華城道經西山之麓遣內大臣致奠昭勤公圖賴○贈故翰林院掌院學士兼禮部侍郎沙喇里禮部尙書子祭謚文敏○癸丑調杭愛爲四川巡撫由陝西調○乙卯 上回宮○勇略將軍耿西提督趙良棟奏臣率官兵自龍安進剿追至舊州明月江賊斷橋守江臣督兵浮水渡江擊賊令總兵官王進才等分兩路直取成都而親率大兵繼進至綿竹爲勁武將軍汪文元迎降本月十一日至成都二十里鋪僞巡撫張文德等率文武僞官二百餘人迎降遂復成都得旨嘉獎下部議敘○奮威將軍平涼提督王進寶奏臣等既復朝天關廣元縣遂分三路趣保甯去城二十里據孔道而軍是月十三日賊二萬餘來犯臣分遣官兵大敗之追勦至錦屏山破賊四壘賊退保橋我兵又擊之奪橋斬關入城賊集王屏藩僞將軍陳君孟自經死生擒僞將軍吳之茂張起龍僞總兵郭天春等十七員遂復保甯得旨嘉獎下部議敘○戊午以趙良棟爲雲南貴州總督加兵部尙書銜仍兼管勇略將軍事務○己未奮威將軍平涼提督王進寶奏原任閩南道胡昇猷被難數載未受僞職請令四川督撫酌量另用上諭胡昇猷人品甚優身陷賊中數年百計偏辱不屈可嘉川省見在用兵憑即於其地要缺補用

二月辛酉朔諭議政王大臣等今成都保甯皆已恢復宜乘此機會速定雲貴四川既平湖廣已屬內地其令順承郡王勒爾錦貝子準達都統范達禮等盡率所部兵沂江而上規取重慶順承郡王等卽於重慶駐守將軍吳丹鄂克濟哈與趙良棟等同進取雲貴吳丹鄂克濟哈於順承郡王軍中簡精銳馬兵將之前行總督楊茂勳提督王之鼎駐守成都王進寶駐守四川徐治都還寧守樂陵荊州諸處○命總督楊茂勳等赴四川招撫流亡○廣西巡撫金僕奏海賊謝昌李積鳳等不時侵掠沿海地方請調平南王藩下都統王國棟等前往勦禦得旨都統王國棟等身在省會不宜縱賊拔劄著同副都統尚之璋總兵官甯天祐等率藩下舟師速圖勦禦賊退之後更有侵犯內地者卽與巡撫金僕會商撲滅○奮威將軍平涼提督王進寶奏石路總兵官楊宗道等於正月初四日率兵進取昭化縣大敗賊眾恢復縣城隨於初六日率兵至劍州僞彭總兵等望風逃竄我兵入城初八日蒼溪縣僞知縣王璋等獻城降得旨嘉獎下部議敘○叛將祖澤清及其子良機械送至京命俱凌遲處死諸子家口籍沒入官○甲子以鄂愷爲陝西巡撫由甘肅布政使遷○乙丑 皇子允祚生○丙寅奮威將軍平涼提督王進寶奏臣與將軍吳丹遣鎮守西安將軍佛尼勒總兵官王朝海等率兵取順慶我兵前進沿途招撫鹽亭潼川中江南部諸州縣悉下之正月十八日抵順慶僞知府彭天壽等率眾降於是達州廣安州合州西充岳池營山渠縣涪水儀隴遂甯蓬溪諸州縣相繼悉定得旨嘉獎下部議敘○丁卯諭戶部前因各省

地方多有饑餉已經遣官賑濟今見京師附近之地四方饑民流移在道脹心深爲憫惻若不急行安插令其得所將來必至鬻賣子女難以生全作何設法令其各歸原籍著該地方官加意撫綏安集復業以免流離九卿詹事科道詳悉具奏○諭議政王大臣等成都保甯順慶諸府今已恢復四川底定湖廣大兵今正分道進定雲貴其廣西滿洲綠旗大兵休息日久亦當乘機速進大將軍簡親王畱每佐領兵一人於桂林其餘官兵王盡帥之往屯柳州大將軍平南王可駐守貴縣將軍莽依圖馬承疇都統馬九玉總督金光祖等可各率所部官兵並酌調平南王藩下官兵分道進取雲貴○己巳 上幸南苑行圍 直隸巡撫金世德以病乞休允之○以胡昇猷爲四川按察使原任閩南道

○乙亥

以于成龍爲直隸巡撫福建布政使添

○吏部遵旨議覆內閣學士兼修明史徐元文奏纂修明史宜舉遺獻請將揚州府前明科臣李清紹興府名儒黃宗羲延致來京如果老病不能就道令該有司就家錄所著書送館並監生姜宸英貢生萬言應速行文該督撫移送其候補主事汪懋麟丁憂服滿到部應以原銜食俸入館修史原任副使道曹格布衣黃虞稷見在丁憂俟服闋後咨送到館告成日一併甄敘從之○命五城袁粥賈濟流移饑民於常例外再限兩月

○湖廣提督徐治都奏臣會同川督楊茂勸於正月二十一日進剿川賊楊來嘉四路進兵大敗賊眾陣斬三千餘級生擒僞將軍王鳳岐等復巫山縣於二十七日進取夔州得旨嘉獎下部議敘○丙子大閱於南苑是日還宮○戊寅湖廣提督徐治都奏臣統大兵抵巫山僞將軍楊來嘉等擁眾拒守我兵擊敗之乘勝長驅是月初一日至夔州僞將軍劉之衛率僞總兵霍洪陞等出降遂復其城得旨嘉獎下部議敘又奏譚宏遣子僞左路將軍譚天秘齋辨明舊從奏並繳到僞敕印牌劄官兵數目文冊本月十二日譚宏率子姪僞總兵譚地晉譚地升等詣軍門降下部議敘○庚辰以雅思哈爲甘肅布政使○四川總督楊茂勸奏臣於正月三十日遣兵進取大昌大甯二縣擊敗賊眾克復城池得旨嘉獎下部議敘○辛巳以四川平定裁郎陽撫治缺○壬午 上御弘德殿講官進講畢 上諭曰人品辨別止在心術公私凡人口之所言與身之所行往往不相符合故去私最難也○癸未先是命福建總督巡撫提督酌定進剿海寇機宜巡撫吳興祚奏臣詢之習知賊中情形者云賊船雖多不如我新造鳥船堅固便捷今鄭錦悉調舟艦皆在海壇齊集宜乘風汎長利將士方銳先攻取海壇破賊藩籬則廈門金門俱可乘勝而下臣已與提臣萬正色決策萬正色以水師直攻海壇臣率標兵赴同安同督臣姚啟聖提臣楊捷調陸路兵據圓頭以遏賊出入臣已與提臣萬正色奏臣統率官兵由定海進發於本月初六日抵海壇乘舟逆戰臣分前鋒兵爲六隊直衝而入親統巨炮繼之又以輕舟繞出其左右併力夾攻破火齊發擊沈賊船十六艘溺水死者三千餘人餘賊潰遁我舟師遂駐泊於海壇 上諭巡撫吳興祚提督萬正色炮見賊勢乘機進剿已經克復海壇將軍賴塔總督姚啟聖提督楊捷其會商分撥滿洲綠旗水陸官兵以策應進剿之師○甲申

西吳堡湖廣安化等二十六州縣去旱災額賦

上還宮○丙戌遣郎中明頴禮賑宣府○是月賑湖廣武昌等府免陝

三月辛卯建威將軍吳丹奏一月十六日大兵至重慶僞文武官出城迎降於是達州東鄉太平新甯兩江安岳等州縣悉定僞將

軍楊來嘉彭時亨僞總兵江大倉等亦各遣人詣軍門繳印歸誠得旨嘉獎下部議敘○壬辰以佟康年爲福建布政使由湖北按

○乙未以伊闢爲雲南巡撫由大理寺卿遷○平南王尙之信下護衛張永祥張士選赴京首告尙之信謀叛事上命刑部侍郎宜昌阿

郎中宋俄託等以巡撫邊疆赴廣東察其狀諭之曰爾等攜帶張永祥張士選以往密詢都統王國棟副都統尙之璋若事有實蹟

王國棟等自任能有尙之信卽一面奏聞一面赴潮州頃尙之信具奏自請撤還省會爾等抵廣東日詳察情形如應撤還卽具疏

言省會不可無尙之信彼時當獨調之還爾等臨事之時無多株連儻有意外聽酌便行事是日宜昌阿等啟行○丁酉大將軍安

親王岳樂江旋上率王大臣郊勞是日駐蹕蘆溝橋原任陝西布政使○戊

戌上以宮辛丑揚威大將軍飭親王喇布奏臣親率兵往柳州二月二十八日至永福縣聞馬承廢反給傳宏烈登舟遣兵襲

破其營臣等卽欲進剿因滿兵力薄又念省城至重公議暫還桂林得旨覽奏馬承廢復叛今湖廣綠旗兵已取楓木嶺武岡州滿

漢兵甚多廣西去武岡爲近宜調貝子章泰軍中滿兵母佐領六人綠旗精兵二千人令都統奪札帥之速赴衡親王軍前與平南

王等協力剿賊奪札至廣西卽令參贊軍事○癸卯福建水師提督萬正色奏我師旣攻復海壇逆賊朱天貴遁據南日湄州等嶼

臣咨會撫臣吳興祚陸路聲援臣親率水師於二月十四日自海壇進剿逆賊南遁我師尾至平海嶼與撫臣會師朱天貴復合僞

將軍林陞駕船二百餘隻踞崇武嶼臣於二十日乘風自平海南下賊率船迎戰臣揮兵掩擊大敗城壞沈載振二十餘隻陣斬僞

總兵吳丙僞副將林勳等擒殺甚眾克復湄州南日平海崇武諸嶼得旨嘉獎下部議敘○奉命大將軍康熙王傑書奏海中大定

小定地方逼近廈門金門係我師必由之道逆賊鄭錦遣僞將軍張志屯糧聚眾欲踞此地以與我師相拒臣遣駐防杭州副都統

吳申巴圖魯率滿洲綠旗官兵齊進大定地方奮勇剿殺賊不能支皆逃往小定我兵尾追賊眾不得船者淹入海中焚毀賊巢遷

回百姓大定小定悉行恢復得旨嘉獎下部議敘尋又奏一月二十三日大兵水陸分進規取玉洲賊首劉國軒向石馬海澄奔竄

我兵追剿甚急劉國軒復走廈門僞總兵蘇堪等守海澄隨遣官諭以投誠蘇堪卽開西門迎接官兵入城玉洲石馬海澄等地方

悉行恢復得旨嘉獎下部議敘○福建總督耿飭聖奏臣等見水師提臣萬正色孤軍獨下於二月二十三日同總兵趙得壽黃大

敘○乙巳福建巡撫吳興祚奏一月二十六日臣同青海將軍喇哈達總兵王英等由同安進剿逆賊至沴州尋尾等地方官諭僞

將獻城投降隨分兵三路徑渡廈門逆賊潰敗二十八日進廈門城安撫人民卽遣官兵進取金門得旨嘉獎下部議敘○丁未安

遠靖寇大將軍貝勒察尼奏是月十三日我兵取辰龍關抵辰州賊潰遁僞知府傅祖祿等以城降僞將軍楊有祿周瀆楊寶陰祖述舜等各率兵投誠綏遠將軍湖廣總督蔡毓榮亦奏復銅仁府瀘溪潕浦麻陽三縣得旨嘉獎下部議敘○諭議政王大臣等今
憲太嶺辰龍關俱已恢復四川廣西悉皆底定雲貴不日可平若行招撫更可速定雲貴人民亦得早安其生張起龍本吳三桂屬
下之人宜使招撫雲南可貰其罪捧敕前往○甲寅浙江總督李之芳奏海逆連船剽突臣密飭定海舟師操練精熟遇警卽行勦
滅二月十八日遊擊衛聖疇等於孝順洋瞭有賊船率領官兵血戰沈賊船十四隻燒毀五隻陣斬僞參將童耀等一十九員擒獲
僞官兵一百餘名下部議敘○丁巳九卿會推江西按察使左通政張可前大理寺少卿張永祺合詞保舉福建副使道張仲舉畫
題時御史唐朝彝曰我閩人也知張仲舉爲官平常不應保舉九卿因不復保舉都察院及六科給事中合奏公參下吏部議尋議
覆唐朝彝當九卿會推時並無一言畫題時乃言張仲舉居官平常又不明指其過失爲言官殊負職掌應革職 上曰廷推事關
重大或舉或否原係各據所見儻眾口附和而無一人爭執豈能無黨同之弊今若將唐朝彝議處將來推舉之人或有徇私請託
者誰肯直言指摘耶著從寬免○以吳毓珍爲湖北按察使由武昌道遷 柯永昇爲江西按察使由湖北道遷○己未命五城賑廩再展兩月
期○是月免江南山陽山東淄川等二十四州縣去年被災額賦有差

夏四月辛酉以早詔大學士會法司錄囚矜疑者奏減○壬戌 上御懋勤殿講官進講畢 上曰觀尚書內古來君臣無不交相
勸勉如此何憂天下不治葉方萬奏曰 皇上念及此真四海蒼生之福○定遠平寇大將軍貝子章泰等奏參贊軍務都統穆占
會同總督董衛國率官兵進取沅州擊敗僞將軍吳應麒等恢復沅州又遣官兵恢復靖州通道縣黎平府僞知府劉應僞副將周
鼎等率僞文武官及土司等來降得旨嘉獎下部議敘○丙寅復設四川永甯總兵官○丁卯諭吏部朕萬幾之暇留心經史雖遙
志時敏夙夜孜孜而研究闡發良資講幄之功日講起居注各官俱以學行優長簡備顧問講解明晰奉職勤勞所纂講義典確精
詳深裨治理侍讀學士張英供奉內廷日侍左右恪恭匪懈勤慎可嘉高士奇杜訥學問淹通居職勤慎供奉有年應授爲翰林官
爾部一併從優議敘具奏以後著益殫心職業佐助典學以副朕崇儒重道稽古右文至意○戊辰 上御懋勤殿講官進講畢
上曰律與例不容偏廢律有正條自應從律若無正條並比例何以定罪總之用律用例俱在得人○己巳 上御懋勤殿講官
進講畢 上曰堯舜禹湯以來心法治法俱在尙書爾等每日悉心講解朕孜孜典學雖不能嫓古帝王而此心朝夕懋勤未嘗稍
懈也重勤納奏曰書經應講者已畢自明日始當以易經進講 上曰朕思經史俱關治理自宜進講爾等可進講易經將通鑑講

章陸續送入著張英在內每晚進講通鑑○以王新命爲湖廣巡撫由江西布政使遷 ○辛未諭吏部比來言官言事鮮非無因意所不欲
卽行彈劾儻遇勢要之人縱知其貪穢亦不肯糾參總由心術不正之故若言官正則外吏自不敢肆行貪婪矣○丙子 上躬詣
天壇禱雨○戊寅靖南王耿精忠奏請陞見得旨耿精忠著來京○己卯刊尙書講義頒行天下○定遠平寇大將軍貝子章泰

奏恢復沂州之後僞義勝將軍吳有駁僞參將徐國楨僞按察使謝龍等並貴州黎平府龍里蠻夷長官司楊勝緒等各率僞官兵投誠下部議敘○奮威將軍平涼提督王進寶以疾求罷命回固原任調理標下官兵著伊子王用子暫行統領駐紮保甯進剿雲嵩江有倉僞將軍楊來嘉等望風向化應否議敘查恢復重慶係逆賊投順之後非係攻克應毋庸議至其傾心歸誠情有可矜應行令該將軍酌量給劄令其效力得自路之嵩江有倉楊來嘉俱著來京引見酌用○甲申 上幸西山觀木是日還宮○戊子福建水師提督萬正色奏閩省之患海甚於山防守之宜水重於陸海澄廈門浯嶼金門圍頭海壇平海定海烽火門日湖獵窟水甯銅山南澳等十四處或孤懸海上或濱海要衝若以兵三萬人設鎮分防不時巡邏則賊不能肆犯我兵得以乘機滅寇矣 上諭海防設兵所關最要令兵部侍郎溫代前往會同尚書介山侍郎吳努春及總督巡撫提督親詣諸處詳閱定議

五月庚寅飭步軍統領司坊街道巡捕營等官懲貪蠹禁科歛○壬辰命甘肅巡撫白鞏昌移駐平州○議敘講官翰林院掌院學士葉方藹等加銜進秩有差○乙未諭大學士等嗣後投誠官員不必令隨大兵進剿督撫提督酌遣來京候缺敘用○戊戌子故直隸巡撫金世德祭葬謚清惠○庚子以王曰藻爲江西布政使由浙江按○諭兵部移文各路大將軍督撫提鎮等凡有平定雲貴恢復城池者俱令察訪吳三桂與達賴喇嘛相通書札隨得隨繳○癸卯諭大學士等向以亢陽齋居虔禱雖雨澤薄降四野田疇尚未霑足今茲不雨朕甚懼焉意者政事之失宜否多歎不然天心仁愛下民何其宜雨而久不雨也曰者以政理之故求言而言者文繁無益其集九卿詹事科道掌印不掌印各官問今有何事當行何事當革悉意以陳毋有所隱於是大學士傳諭旨同九卿等入見戶部尚書伊桑阿等各以所見陳奏 上曰爾等所奏尙屬膚詞儻大小臣工俱能秉公奉法則天下何難治平凡在朕前所言似乎公正退而種種行私徇情作弊爾等撫衷自問能無內愧乎至於科道官瞻顧私情罔克糾舉內外官員恣行無忌職此之由爾等意中若尙有未盡事宜可一併親寫來奏諸臣出復命大學士持 上諭徧諭諸臣曰朝廷致治惟在端本激源臣子服官首宜奉公杜弊大臣爲小臣之表率京官乃外吏之觀型大法則小廉源清則流潔此從來不易之理如大臣果能精白乃心恪遵法紀勤修職業公爾忘私小臣自有所顧畏不敢妄行在外督撫各官自應慎守公令潔己愛民乃大臣等每自謂清正無私粉飾空言至其所行往往營私作弊有玷官方深負委任之意科道係耳目之官凡有弊端自當據實參奏且居處甚近如此情弊豈無見聞乃瞻徇情面緘默不言卽有條奏多係繁文言官職掌殊爲未盡如從公糾舉執敢恣行無忌朕以爲目今之弊莫大於此近因天氣亢旱朕夙夜焦思念慮所及無不舉行感格之道猶恐未盡故特詔爾等各面陳所見因宣諭朕意令爾等知之○甲辰平南將軍都統賴塔奏四月二十一日臣會同提督侯襲爵大敗海寇於潮州府大濠堡磊石等處下部議敘○乙巳山東巡撫施維翰奏河道總督靳輔丁憂得旨河工漕運事關重大見今工程未完不便卽准守制俟工成之日著靳輔自行題請○丙午奏

命大將軍康親王傑書奏平南將軍賴塔等遣發官兵追勦海賊劉國軒等於三月十二日克取銅山焚毀賊巢得旨嘉獎下部議敘○丁未以教化新爲浙江按察使出陝西道遷○奉命大將軍康親王傑書奏南海將軍喇哈達等陞續招撫僞總兵楊祿張頤等大小僞官共二千五百餘員兵丁二萬五千九百餘名下部議敘○己酉戶部請於山海關設官收稅從之○丁巳授遠將軍湖廣總督蔡毓榮奏原任宜都遊擊嚴宏身被賊擒堅拒僞職乘間來歸應行議敘得旨嚴宏當逆賊初叛時獨守宜都後被賊擒不受僞職保守原受敕書乘間來歸忠貞可嘉著從優議敘尋部議應加都督同知卽以總兵官補用從之○卽贈福建殉難總兵吳萬福知府王之儀同知愈三畏知縣劉嘉猷李塈等官爵謚廕○是月免江西甯州南昌等六十六州縣衛所去年旱災額賦有差

六月癸亥勇略將軍雲南貴州總督趙良棟奏四月初八日賊以勁卒犯永甯官兵塵戰彌日賊猶不卻投誠總兵官李芳達等能勇衝擊斬僞總兵毛有貴等賊始大敗逃遁陣斬千餘人下部議敘又奏李芳達前既率眾來降今復固守永甯不爲賊誘誘破格加恩○上命李芳達爲隨征總兵官隸趙良棟旗下隨征效力○甲子諭恪純長公主公主被反叛所累屢年困頓朕每念及未嘗不爲惻然不意深染時證遭乳媼及親近侍衛向視及回轉奏公主之語不勝感歎又聞病勢危篤卽命該部院衙門將服飾執事等項星夜製辦今公主體中大愈將此各項盡送公主處以示朕惓惓注念之意○綏寧將軍湖廣總督蔡毓榮奏授誠僞總兵李書祿會同隨征總兵官鄧秉志等攻取恩南府與賊兵酣戰兩晝夜斬賊千餘復討城得旨嘉獎下部議敘○廣東廣西總督金光祚奏官兵進取式宣縣逆賊范齊韓等宵遁黃明等猶據縣城抗拒水師總兵官調昇等奮擊大破之斬獲無算恢復縣城得旨嘉獎下部議敘○丁卯先是以雲南貴州提督桑嶺總兵周邦甯等自常德還州退還○上命大將軍察取供詞至是安遠靖寇大將軍貢勒察尼取供具奏兵部議覆桑嶺職任總統調度全省官兵一聞賊警不卽直赴常德以扼要害乃遷延日久始自荊州進發致常德爲賊所踞又不入守澧州但於城外駐營六日復致澧州被陷且稱奔陝一路賊警甚急託故引還應行革職周邦甯革去所加五級仍降一級俱畱原任戴罪圖功○甲戌奉命大將軍康親王傑書奏僞將軍江機等聚眾恃險通連海寇龐蓮建江西浙江三省之書已久今福建巡撫吳興祚等宣不招撫江機等率領僞官一千一百三十八員兵丁四萬三千六百二十九名投誠各分別歸農補伍下部議敘○丙子廣東巡撫金備奏逆賊流言欲分調尚之信所部兵往雲南安置各營於是潛兵八千人聞之盡恐五月十三日夜遂鼓譟拔營遁歸○上命將軍賴塔侍郎宜昌阿總督金光祚巡撫金備都統王國棟等設策安撫逃兵發回廣西○丁丑命五城粥庫再展三月遣太醫三十員分治饑民疾疫○安親王岳樂奏故平南王尚可喜妻舒氏胡氏首告鑿子尚之信罪逆當誅乞轉諭官吏密圖擒拏請旨正法得旨尚之信並原告干證著侍郎宜昌阿等押解來京質審○庚辰鎮南將軍莽依圖奏報進剿柳州路經賓州陶登地方有賊二萬突來侵犯都統希福副都統馬世泰率兵攻擊逆賊大敗拋棄盔甲

器械走入深山下部議敘○揚威大將軍箇親王喇布奏官兵復雒容縣得旨嘉獎下部議敘○廣東巡撫金雋奏委署虎門副將張瑜進剿逆賊謝昌等五月十一日於大灣海面分兵三路與賊船三百餘接戰我兵奮勇衝擊賊敗走乘夜窮追十三日早至鳳頭港又有賊船百我兵復擊敗之生擒僞將軍洪元認毀取船二百餘斬賊二千餘級溺死者萬餘人謝昌等由外洋遠遁下部議敘○福建總督姚啟聖奏臣前任藩司時親抵澳東招撫征逆將軍劉進忠等獨有僞總兵馬興龍從中梗阻臣多方勸諭方肯從眾就撫詎意受撫後密挈眷口復叛入海臣偵馬興龍逆艦往來銅山南澳等處臣密遣總兵官朱光祖招撫僞將軍朱天貴等諭以如遇馬興龍用心虧累今朱天貴已暗拘馬興龍父子及弟五人沈死海中各僞鎮始隨朱天貴於未經投誠之先能誅已撫叛賊實心報國功不可泯下部議敘○壬午刑部題兵丁陳德擅殺雷元伯應斬監候 上諭曰凡大兵經過之地將弁宜嚴加約束務令秋毫無犯屢經諭旨申飭今兵丁陳德任意逞凶擾害小民殺死人命該管將弁所司何事爾等不思嚴察竟置不議殊屬不合可一併嚴加議處尋議該管官夸蘭大馬順德署副都統馬爾齊哈約束不嚴各擬降罰得旨馬爾齊哈等縱所管兵丁擾害地方殺傷民人深爲可惡嗣後大兵陸續回京若不嚴加懲創則將卒無所警戒所議尙輕馬爾齊哈著降四級仍畱參領馬順德著革職○揚威大將軍簡親王喇布奏臣等將軍莽依圖總督金光祖等率滿漢官兵分路進剿馬承廈月初四日金光祖統兵敗賊於武宣復縣城初八日莽依圖兵敗於陶登乘勝前進遂定象州臣兵於初四日至雒容縣進取柳州十七日馬承廈率僞文武官弁六百六十餘員兵七千三百餘名諸軍門降柳州平得旨嘉獎下部議敘○甲申 上以御書大軸賜大學士索額圖勒德洪明珠李霨杜立德馮溥諭曰朕萬幾餘暇留心經史時取古人墨蹟臨摹雖好壞不衰未窺其堂奧歲月既深偶成卷軸卿等佐理勤勞朝夕問對因思古之君臣美惡皆可相勸故以平日所書者賜卿方將勉所未逮非謂書法已工也卿等其知朕意又以 御書卷軸賜學士庫勒訥葉方謗詹事格爾古德沈荃侍讀學士牛紐常書崔蔚林蔣宏道侍講學士張玉書嚴我斯侍講董訥王鴻緒各一諭曰爾等日侍講筵夙夜匪懈敗沃之暇每以朕書爲請朕萬幾餘閒研精典籍間取古人墨蹟臨摹爾旣爲文學侍從之臣卽有成就德業之責故因所請輒以頒賜朕意其悉之

康熙東華錄二十六

秋七月辛卯議兵部初馬承廈及所部官兵背叛蹂躪疆土擾掠生民罪惡已極後見湖南平定廣西恢復窮迫請降朕欲生民早獲甯息悉責前罪封以伯爵授以將軍仍令管兵標員亦分營補用及大兵規取雲貴無故背恩復叛致誤征討大事今因兵敗勢蹙復窘急來歸令內閣學士薩穆哈速往撥滿漢官兵押解馬承廈及標下守備以上官來京其標兵令督撫提鎮等分隸各營汰其老弱回兵亦宜散置切勿令其黨聚廣東諸處被難人民詳察遣還故土提督哲爾肯可屯駐柳州○甲午御史張志棟奏各部主事不係正途出身者謫令各部掌官保舉方許升轉九卿議不准行 上曰各部主事日後皆升道府與其俟爲道府後令督撫

保舉何如爲主事時卽令堂官保舉之爲愈耶今後應令不係正途出身之主事惡俸三年果能勝任請衙門堂官保舉方許升轉○吏部議覆左副都御史郝浴奏考選科道官應將正途加捐者仍照例考選其非正途出身之員雖係保舉止照常升轉不準考選從之○丁酉先是左都御史覺羅舒怒以病還京上諭議政王大臣等左都御史覺羅舒怒當進定廣西之時奏稱病創乞還肇慶調治朕以舒恕身爲將軍病篤必實令其暫回肇慶後又以敕印私繳將軍莽依圖莽依圖代爲題請朕以舒恕之病危篤欲其生還召回京師令觀舒恕全無病狀神色如故舒恕前在高州奔回肇慶復自廣州敗還不據韶州兩雄諸要地竟還贛州江西全省因而震動及在江西又復擄掠大擾百姓以巡撫金儒之言盡洩於平南王又恐嚇將軍巡撫傅宏烈云汝若題請進兵我必殺汝舒恕身爲將軍負如許重罪不思効力以贖罪愆反詐稱患病凡爲將帥者儻皆如此肆行欺罔軍法何以得申舒恕應繩禁宗人府俟旋師之日嚴察議奏至是革舒恕左都御史佐領及世職○戊戌贍福建殉浙閩總督范承謨太子少保兵部尚書子祭葬加祭一次謚忠貞廉一子入監讀書巡海道陳啟泰通政使司通政使並妻劉氏子祭葬廉一子入監讀書○己亥貴州巡撫楊雍建奏撫標見有二營請再設一營以備戰撫部議不准行得旨貴州係新經恢復之地最爲緊要應准該撫所請設立三營後不爲例○甲辰吏部議覆左副都御史郝浴奏各部院司官賢否不一請令各堂官畱心查驗每歲終各舉劾一人舉者照薦舉註冊勅者照例處分以昭懲勸從之○置奉天金州營○四川石砫宣慰司馬萬年酉陽宣慰司冉永沛率眾內附○乙巳以折爾肯爲左都御史由吏部侍郎遷○戊申贈廣西殉難巡撫馬雄鎮太子少保兵部尚書並妻李氏子祭葬加祭一次謚文毅廉一子入監讀書上命甯南靖寇大將軍順承郡王勒爾錦率兵赴重慶勒爾錦不能前進半途自返至是具奏自効請解大將軍任發往沅州軍前效力得旨勒爾錦既託故還荊州又奏請發沅州效力不合其攜大將軍敕印率所屬護衛各官王府佐領兵同沅州官兵還京○庚戌調薩穆哈爲吏部左侍郎由戶部侍郎調○壬子皇子允祐生癸丑廣東廣西總督金光祖奏尚之信藩下鼓譟逃亡之兵聚眾妄行臣見與賊對壘請發兵助勦上諭近將軍賴塔都統王國棟報遣總兵官甯天祚等率兵勦撫鼓譟之兵若甯天祚等力不能勦著將軍賴塔巡撫金雋提督侯襲爵都統王國棟公同酌議增兵速行勦撫以靖疆圉○乙卯轉達都爲戶部左侍郎謂覺羅沙賴爲戶部右侍郎由工部調○是月免山東益都等五縣夏稅直隸廣平縣去年水災額賦有差八月丁巳朔敘招撫逆賊功加福建總督姚啟聖兵部尚書銜○己未詔盛京滿洲自墾地畝毋入官○辛酉諭兵部臺灣澎湖暫停進兵令總督巡撫等招撫賊寇如有進取機宜仍令明晰具奏○壬戌勘盛京未墾地畝分給旗民設立邊界○以廖旦爲盛京工部侍郎原任戶部侍郎○甲子先是令大將軍貝子章泰等由沅州取貴州大將軍簡親王喇布等由廣西取雲南將軍吳丹趙良棟會議奏聞後卽檄湖廣廣西大將軍將軍等如期會舉○綏遠將軍湖廣總督蔡毓榮奏請特降敕旨招撫逆賊吳世璠兵部議從定

諭大學士等吳世璠爲賊渠魁恃其險阻抗拒官兵殘害生民罪惡重大朕敕炳如日星豈可輕頒且賊勢迫自行納款如未至窮促雖招撫何益况前招撫賊將吳應麒胡國柱救內俱有曉諭吳世璠歸誠之詔祭斂榮將此處並不揆度不圖早滅逆寇乃欲降敕招撫率意妄奏兵部竟准議行均屬不合此奏可付兵部令該部密行嚴飭○建威將軍吳丹奏土司副將加都督僉事銜徐升耀往保南招撫賊首王屏藩等遇害請加恩卽得旨徐升耀係土司官員乃克篤忠貞捐軀殉難深爲可憫作何恩卽著從優議敘尋部議照陣亡總兵官例贈左都督俟克復雲南之日查伊子第一人授以管土兵守備給卹銀從之○戊辰上御經筵○福建總督姚啟聖奏僞將軍楊彪卽楊一豹率領僞官兵三萬一千餘員名投誠下部議敘○綏遠將軍湖廣總督蔡毓榮奏逆賊馬永隆下僞總兵劉應龍擁眾駐梅寨貴州提督趙頴遣官招撫劉應龍率所部降下部議敘○己巳諭兵部前因尚之信屬員張永祥等首尙之信諸不法事朕欲明其虛實故令尙之信來京非以張永祥所言皆實必欲治尙之信以法也平南藩下官兵本朝奉養四十餘年世受國恩最爲深厚初無欲行解散之心且諸官兵宜常念國恩釋去嫌疑各保身家妻子以副朕恩養保全至意其令將軍賴塔侍郎宜昌阿等宣布朕意咸使聞知○壬申諭揚威大將軍簡親王喇布聞南甯距雲南邊界路僅七站尙因逆賊尙之信馬承廢背叛或未可輕進今若輩皆已無濟復何所瞻顧而遲延也見在廣西滿兵每佐領幾三十人宜精選強壯有馬者各十人益以綠旗官兵協力進剿賊可立破矣王其速圖之進兵之時令巴爾塔哈爾哈齊爲夸蘭大責以軍前報效○癸酉以李光地爲內閣學士由翰林院侍講學士遷○戊寅保和殿大學士索額圖以病求罷命於內大臣處上朝○己卯諭吏部科道爲耳目之官關繫最要必選用得人方能稱職漢官皆由取考選補授惟滿官論俸敘升著吏部都察院將見在滿洲給事中監察御史會同選擇堪用者仍畱原任不稱職者對品調於部院衙門用○壬午鎮南將軍莽依圖卒於軍以都統勒貝代之○山西巡撫圖克善以病求罷允之○甲申先是吳三桂反尙之信欲其父尙可喜從賊追之不已尙可喜憤死尙之信遂降吳逆及其歸正仍懷兩端上數命進兵潮州湖南尙之信不行永興危懸亦坐視不救後雖出師輒自引退總兵官時應運水師遊擊張瑜出勦賊尙之信俱密止之令頓兵不進及尙之信協勦廣西復與尙之璋等謀令以計調還廣州冒兵餉擅殺無罪人甚至希邀異數毀訕乘輿於是藩下人張允祥張士選來京告其諸不法事尙之信母舒氏胡氏都統王國棟廣東廣西總督金光祖廣東巡撫金雋亦相繼奏列其罪○上遣刑部侍郎宜昌阿與王國棟等謀密檄總督金光祖提督哲爾肯總兵官班際盛副都統金標選等執之於武宣尙臣等集議於是議政王大臣等議覆尙之信當依謀反律母弟凡同謀者俱秉市家產籍沒其諸弟尙之孝尙之璋尙之隆等雖不同謀法應革職枷責得旨平南王尙可喜航海歸誠效力行間鎮守粵東著有勞績及吳逆叛堅守臣節不肯從逆爲逆子尙之

信所追憤恨殞命朕每念及深爲憫惻其妻舒氏胡氏從寬免死並免籍沒尚之孝尚之璋尚之隆等俱從寬免革職枷責尚之信不忠不孝罪大惡極法應立斬姑念曾授親王從寬賜死其餘逆黨尚之節李天楨等悉按律正法○丙戌諭侍郎宜昌阿等爾等所行事宜俱各得當爲嘉悅朕意所及數事特行密諭一尚之信雖經犯法伊等妻子不可令卑賤小人陵辱應查明嚴禁遣人護送來京一廣東所有大市小市之利經藩下諸人霸占者無算可會同巡撫詳察應歸百姓者題明仍斷曰姓則廣東人民得害無窮之患矣一閱藩下所屬私市私稅每歲所獲銀兩不下數百萬當盡充國賦以濟軍需一各省商販人等欲藉藩下行勢投入不甚多皆須查明應斷出者即行斷出其不應斷出者宜盡行遣發來京勿致逃亡隱漏一尚之信等所有貨財用充軍餉已有諭旨務須詳行稽查毋致有遺漏侵剋等弊

閏八月丁亥朔九卿議覆河道總督靳輔奏山陽清河等五縣河水衝決隄岸請將臣嚴加處分應令靳輔將河隄決口即行修築俟工竣之日遣大臣往閱如修築不堅固另行議處從之○己丑勇略將軍雲南貴州總督趙良棟奏僞將軍海潮龍投誠繳送劄印欲聯絡迤西一帶身任前驅請敕諸路將軍大臣速發官兵糧餉以爲接應○上諭今進取雲南爲期已近將軍吳丹率兵進瀘州取合江仍兩路進取雲南湖廣大將軍將軍總督等宜速取貴州大將軍公圖海等越所調陝西兵往四川海潮龍感戴國恩率眾獻地先機致順可嘉授爲懷忠將軍令統所部爲前導破賊至賊帥胡國柱李本深王會高啟隆俱係舊臣或一時迫脅降賊亦未可定宜如招馬寶等例書赦罪敕馳檄發趙良棟相機招撫陝西四川督撫速運糧餉毋誤兩路大兵進剿機宜○壬辰以穆爾賽爲山西巡撫由布政使遷○甲午四川總督楊茂勳奏逆賊僞將軍胡國柱王會等領賊兵戰象突犯納谿瀘州總兵官謝泗等兵力單弱退保隆昌得旨進剿雲貴各路大兵雲集四川據奏瀘州納谿二處乃爲賊破其領兵將軍該督撫提鎮各官防禦何事殊屬怠玩著嚴議具奏○丙申定遠平寇大將軍貝子章奏蔡毓榮奉有調遣漢軍之旨今進取貴州滿漢既已合兵若各自調遣彼此不相知會恐於事機無濟○上諭蔡毓榮進取貴州凡屬軍機俱關白大將軍商酌行之○丁酉 上幸南苑行圍○癸卯 上還宮○戊申工部侍郎張問政以疾乞休允之○是月免直隸武清等十四縣衛山西大同遼州山東濟寧等州縣被災額賦有差九月丙辰朔以金璽爲工部右侍郎由宗人府遷○子故原任兵部尚書喀喀代祭葬○庚申以那鼐爲山西布政使由給事中遷○戶部題尚之信等有私行收稅之項已令督撫嚴查題明詔免今耿精忠在福建恐亦有私行收稅之處應行文督撫查明報部一體豁免從之○壬戌勇略將軍雲南貴州總督趙良棟奏李芳述鄒九疇係投誠後遵旨設立領兵之總兵也但仁懷合江失守瀘州復陷賊正噶張勢在危急逆孽狡謀乘隙搖惑該總兵等矢心報國不爲餌誘擒綑逆差鎮靖人心又隨征之副將蔣榮德及投誠僞總兵未經受職之瞿洪等同心協力保守孤城奮志滅賊請加恩典以示獎勵下部議敘○癸亥先是綏寧將軍湖廣總督蔡毓榮奏臣臣統兵入貴州境恐大兵進征之後內地兵單請調提督徐治都駐常德防守○上從之至是徐治都奏瀘州永甯敘州諸處俱

陷譚宏等復叛夔州民變。上諭今譚宏復叛夔州民變將軍噶爾漢都統范達禮副都統塞格爾荊州大兵每佐領三人率之撫督徐治都毋往常德亦率綠旗兵俱速赴夔州諸處勦滅叛賊餘兵署副都統諾敏率之鎮守荊州仍檄貝子準達率兵前來兩路夾勦毋失機宜尋復諭常德要地亟宜堅守令襄陽總兵官劉成龍往鎮常德河南南汝總兵官周邦甯往駐襄陽○勇略將軍雲南貴州總督趙良棟奏湖廣大兵已集沅州永甯一路兵應直進雲南今將軍吳丹兵啟行將及一月猶未渡江如永甯不保誠勢愈張請嚴飭湖廣兵取貴陽分兵以取遵義令吳丹擊敗永甯賊即乘勝進取雲南○上諭大將軍貝子章泰等可率兵速取貴陽分兵以取遵義將軍吳丹往取瀘州行及一月逗留猶未渡江不台其遠令取瀘州勦除來犯永甯諸處賊寇今湖廣四川大兵各路分進廣西將軍大臣不得以兵士無馬爲辭將軍勒貝體朕擢用之意速率大兵乘機由南甯進定雲南○乙丑諭議政王大臣等據將軍噶爾漢等奏逆賊譚宏率衆至巫山譚宏小醜耳我兵但奮力進擊彼自澌滅將軍噶爾漢提督徐治都等其溯江而上速定疆圉大將軍貝子章泰等果如前奏訂期亟進克復貴陽賊勢何至滋蔓今宜令章泰同將軍纂毓榮等於文到日速進取貴陽以圖遵義四川諸將若能奮擊雲南貴州出犯之賊則譚宏無所逃匿自當摧陷令宜令專意進剿勿復觀望前此會命總督哈占馳赴將軍吳丹軍今宜令由保寧江直進破譚宏以會吳丹並行文大將軍公圖海酌發軍中滿漢兵爲之聲援以分賊勢至運銷四川不由彝陵江俱自陝西轉運敘州兵糧度可無虞頃令護軍統領佟佳等率增發四川滿兵赴原指之地其漢軍官兵一千人丈到日卽由荆門州一月內赴彝陵鎮守著戶部郎中額爾赫圖馳赴彝陵趣將軍噶爾漢等兵速滅譚宏諸賊額爾赫圖凡事俱准蘇赫臣例以行吏部郎中范承勳亦馳驛追及副都統張長庚軍趣其兼程而往一月內抵彝陵范承勳仍自彝陵趣及噶爾漢等軍與額爾赫圖同趣官兵擊賊○諭議政王大臣等頃因逆賊侵逼四川滿漢大兵已諸路進剿大將軍貝子章泰等將軍總督纂毓榮等於是月十二日以次進定貴州今廣西一路亟宜速人以定雲南將軍賴塔在福建廣東勞績素著可授爲大將軍赴廣西調遣廣西滿漢大兵由南甯直進速定雲南賴塔行日選廣州大兵內精銳有馬者或五百人或千人親率之赴南甯廣西所有一應大兵俱聽簡擇率往副都統博濟統餘兵暫守廣東賴塔敕印可速送往其原在平南藩下官兵如可帶往聽賴塔酌量率之前行○以阿喇尼爲理藩院右侍郎由一等侍衛鑑○戊辰諭兵部覽安塘筆帖式蘇擢報九月初六日副都統塞格率每左領兵一人往鎮彝陵殊屬不合如此遲延觀望儻此寇與黔賊合勢彼時破之不綦難乎噶爾漢等聞命卽統率官兵星夜馳赴巫山夔州扼其要害俾遊行羣醜不至滋蔓速爲勦除若仍逗留致逆賊與黔賊合勢至於猖獗將噶爾漢等治以失誤軍機之罪爾部其速行檄知○戊寅建威將軍護軍統領吳丹等奏臣統領官兵進取瀘州八月十八日署西安將軍事拂尼勒領頭隊官兵至豹子山瀘州城渡江遞前鋒參領博鼎駐防西安夸蘭大倭黑追擊之賊大敗擒斬溺

水死者無算亟復瀘州得旨嘉獎下部議敘○刑部議覆撫遠大將軍都統大學士公圖海奏據投誠總兵楊勇祖之子楊廷卓城固縣民戴時坤舉首僞朱三太子廣散劄付行文漢中興安等州縣又據漢中通判孫世哲報於三河口地方擊獲賊首朱道士有僞安國大將軍木印劄付及兵械等道土供稱原名朱次門後改名楊起隆於康熙十二年間到京見吳應熊招集黨羽期十二月二十三日五更放火舉事二十一日事洩逃竄復改姓任爲道士本年七月至漢中糾黨舉事聞事洩欲逃入山於三河口被獲查僞朱三卽楊起隆於康熙十二年通行緝拏獲日與己獲之楊起隆妻馬氏親隨小廝小六兒並原夥鄭得勝等認識審理伊等見在監禁相應將楊起隆解部與馬氏等認識審理從之○辛巳詔將軍王進寶馳赴保甯兼守漢中○乙酉免廣西逋賦○是月免直隸武清等十四縣衛山西大同遼州山東濟甯等州縣被災額賦有差

冬十月戊子彗星見於翼○己丑上幸南苑行圍○癸巳署廣西巡撫右理事官麻勒吉奏七月十四日逆賊攻陷養利州新太參將昂三等於閏八月十一日敗賊於養利州之大橋賊棄城遁又逆賊鄒總兵等踞天河縣副將熊經等於九月初二日連破賊眾恢復縣城得旨嘉獎下部議敘○甲午上還宮○勇略將軍雲南貴州總督趙良棟奏賊寇侵犯仁懷失守將軍吳丹擁重兵二萬不及赴援以致永甯復陷得旨成都去永甯路不過七八百里吳丹不及赴援遲至六十餘日貽誤已甚可速解將軍任還漢中同大將軍公圖海鎮守其四川官兵俱付將軍鄂克濟哈與趙良棟會商進剿蜀中情形不時奏報○丙申以大理寺少卿王繼貞爲太僕寺卿○丁酉奮威將軍平涼提督王進寶奏臣標兵除調征湖廣外其餘臣子王用子統領進剿又陝西總督哈占調去二千餘名臣今無兵可統不得不於臣標帶回及留守步兵內姑爲抽選並於固鎮營中量行調撥以足千餘之數更請敕督臣以固鎮官兵發還付臣統轄得旨逆賊旣侵犯四川譚宏彭時亨復叛保甯最屬要地今將軍王進寶速調固原各營官兵兼程馳赴保甯規定四川陝西總督哈占兩次所調之兵仍令王進寶統領○蕩寇將軍貝子準達奏逆賊譚宏彭時亨等陷涪州上諭將軍噶爾漢等選每佐領兵三人提督徐治都親統漢兵速赴夔州諸處勦滅叛賊○己亥禮部題奉命大將軍康親王傑書凱旋應在蘆溝橋行拜天禮畢卽赴鞏華城仁孝皇后孝昭皇后梓宮前行禮然後遣大臣告以王母妃之喪始歸私第得旨王出征後育母妃之喪在王亦屬大故蘆溝行禮畢應卽歸私第臨喪盡哀後再詣鞏華城○命陝西總督哈占率兵赴保甯討譚宏○庚子諭大學士等各旗差遣家人或往外省索債或令隨官赴任或以情面干求外官者甚多借端營私小民最爲苦累此皆不察之故今若詳加察究則各旗不遣家僕出外者能有幾人此等累民之事應行禁止令吏兵刑三部及都察院會同定例嚴禁尋議旗人私往外省地方借端挾詐屬訖行私犯擾小民等弊者係平人枷號三月鞭一百係官革職鞭一百不准折贖失察佐領罰俸三月驛騎校罰俸六月其差遣家僕之人係閭人鞭一百係官革職差去之僕枷號一月鞭一百從之○辛丑試漢科道官於體仁何路不稱者三人○鎮安將軍都統噶爾漢奏副都統塞格於十月初六日復至山縣水師遊擊劉進朝等敗賊於跳口擒僞總兵

一員得旨嘉獎下部議敘○王寅大將軍康親王傑書凱旋 上郊勞之○甲辰命給事中莫羅等傳諭大將軍圖海曰爾前奏暫停諸路進兵其說雖是但恐停止進兵賊愈滋蔓前爾面請緩兵朕下詔督戰始復岳州湖南逆賊悉潰後又請暫停入川之師朕趙進兵遂平四川今賊以全力逼犯四川若從廣西南湖廣沅州進取貴州則寇蜀之賊自潰從此諸逆漸平地方悉定諸軍可以凱旋矣至投誠官員宜可深信且畱置左右時加防範朕前屢次密諭今譚宏彭時亨等果復叛亂朕向謂此輩俱在爾軍中不意竟置之別所此等反叛之賊受爾何恩而乃輕信如是也嗣後宜密防之○丁未 上御懋勤殿親講易經噬嗑卦辭講官庫勒納葉方藹等進所撰乾坤二卦總論 上覽畢曰卦爻之義原各不同卽如噬嗑一卦中四爻主用刑者言初上二爻主受刑者言每爻各有取義必得總論發揮方覺全卦之義了然諸卦可俱倣此撰進○戊申諭大學士等居官者宜以清廉爲尚官皆清廉百姓自得遂其生矣今朝臣有如于成龍之清者否馮溥奏曰順天府尹宋文運亦有清名其家甚貧 上曰清廉不在貧富謂富者必貪而貧者必廉可乎亦視其人居心何如耳○刑部右侍郎高珩以老乞休允之○定遠平定大將軍貝子章泰奏臣自平溪
葡與征南將軍穆占綏遠將軍總督蔡毓榮等領兵前進於十月十一日抵鎮遠府逆賊僞將軍張足法楊應選等夜遁恢復府城江西總督董衛國追敗賊於石巷口及大巖門抵油關穆占追勦逆賊復偏橋衛興隆衛得旨嘉獎下部議敘○鎮南將軍都統玉爾漢奏臣等統領大兵自巫山克捷進取夔州賊望風奔潰遂復夔州本月十四日又敗賊譚宏標下僞楊總兵於錯開峽殺溺賊衆無算得旨嘉獎下部議敘○諭兵部將軍噶爾漢提督徐治都等恢復夔州但不知重慶消息可否相通令噶爾漢等速行奏聞至萬縣在萬山之中噶爾漢等防禦諸路其熟計保全今夔州旣復宜令總督哈占速從保甯追勦哈占速進則賊不日撲滅至桂路分兵恢復鎮遠夔州事宜應移會在蜀大臣並檄知廣西大將軍賴塔等乘此機會速定雲南○辛亥諭政王大臣等議奏順承郡王勒爾錦貝勒察尼出師湖廣罪案 上諭大學士等勒爾錦察尼統領大兵不能竭力底定地方但斂取督撫司道等官財物希圖肥家貽誤國事疲敝兵馬困苦民生失機之罪最爲重大前屢旨申飭竟置不聞安坐軍中致失大計一切罪犯孰有重於此者乎朕嘗揆度事務幸因修造戰船圍困岳州賊勢窮蹙爲我兵所敗故地方以次勘定否則不知作何景象矣我 太祖 太宗時軍令極嚴今議政王大臣等因事已平定不復經意所議之罪不協事情概從輕典可乎王貝勒等輒言從前未經戰陣凡行間皆以未經領軍爲言則誰當領軍者王與貝勒俱朕至親朕本欲寬釋但貽誤國家大事罪實難逭其餘尙可從寬王貝勒決不容姑貸也爾等可傳諭議政王大臣等知之○王子勇略將軍雲南貴州總督趙良棟奏參奏參西寧總兵官朱衣客率官兵八千往援建昌於大王廟失利棄越雋衛渡河退回 上命革朱衣客職擬罪以聞○是月免福建泰甯縣去年水災江南泰州清河等二十

三州縣衛水災額賦有差

十一月丙辰朔彗星見西方○戊午御史張志棟奏參刑部尙書黃機年老大理寺少卿張永祺國子監祭酒馬源濟物望不孚均

應議處

上諭大學士等

張志棟參張永祺馮源濟一人品行不端甚當又參刑部尚書黃機年衰老宜罷此言太過當國家用人

正須老成練達之輩從來才德難以兼全聞黃機居鄉謹飭安靜是一老成人也○命旗下從征僕人得功牌二次者許令出戶○

辛酉議政王大臣等議覆順承郡王勒爾錦貝勒察尼帥師討賊不速扼要害乃退縮不前老師糜餉坐失事機幾至誤國應革去

王貝勒並議政及宗人府之職籍其家屬財產仍行拘禁貝勒尙善公蘭布不速勦賊寇恢復疆土退縮貽誤俱宜從重議處但既

卒於軍應革其多羅貝勒鎮國公都統朱滿不速據岳州前驅破賊退縮不前幾至誤國應革都統拜他喇布勒哈番佐領及所加

之級立絞籍其家其妻與未分家之子並交內務府都統鄂內不速據要地渡江破賊坐守彝陵聽賊渡江竊踞要害退縮不前幾

至誤國應革去都統一等阿達哈哈番兼一拖沙喇哈番佐領及所加之級鞭一百不許折贖本身及妻未分家之子沒入官家產

交內務府護軍統領伊爾度齊東太平街不守不勤滅虎渡口賊寇致太平街失陷應革職正法但已身故宜革去一等阿達哈哈

番兼一拖沙喇哈番籍沒家產其妻及未分家之子並交內務府護軍統領額司泰不渡江速據要害長驅勦賊又不攻取岳州退

縮貽誤宜從重議處但已身故宜革沒家產給予本主散秩大臣多謨克圖身爲參贊率蒙古兵前往不卽協力渡江恢復疆圉得

賊空營冒爲己功復不力拒虎渡口出犯之賊致已獲之太平街復陷於賊宜革去散秩大臣拜他喇布勒哈番及所加之級副都

統巴喀得賊空營亦冒爲功不力拒虎渡口出犯之賊致太平街復陷宜革去副都統佐領及所加之級公圖納黑不速勦賊耽延

時日應行察議但賊已固守之後伊始至軍且屢有渡江擊賊之請應免察議署前鋒統領噶爾弼係貝勒尙書參贊坐延時日寸

步不前及奉諭申飭仍不思殲力破賊推諉巧飾執意退縮希冀全身不取岳州亦應察議但已身故無庸議奏入 上諭勒爾錦

不渡江勦賊平定疆圉遷延瞻顧貽誤國家大事事情罪重大制去郡王並議政宗人府之職仍令羈禁察尼應如議處分但既克岳

州且從前有效力之請著從寬免羈禁籍沒革去貝勒並議政宗人府之職爲閒散宗室尙善革去貝勒蘭布革去鎮國公朱滿從

寬免死著革職鞭一百不許折贖籍沒其家鄂內慶戰湖中又恢復岳州從寬免籍沒鞭責著革職伊爾度齊多謨克圖巴喀等俱

革職餘依議○召大學士九卿詹事科道諭曰白氣見於西方天象垂戒必有徵驗爾等各行所見奏聞工部侍郎趙珠金鑑奏近

聞陝西轉餉入蜀人民滋困押運官又不知軫恤請教部議作何休息兵部尚書宋德宜奏陝西四川不必各設總督宜以一人統

理兩省庶人民勞逸可以酌制均平 上諭吏部改陝西總督哈占爲川陝總督其四川總督楊茂動令解任隨大軍進取雲南○

甲子鎮安將軍都統噶爾漢奏臣等相繼進剿聞敗遁之賊與四川雲陽賊合凌濛築壘水陸相拒臣念巫山夔州乃大兵後路須

兵固守 上諭將軍噶爾漢提督徐治都率兵恢復四川巫山夔州更進取雲陽諸處賊方台力要城拒敵可移檄守荊州副都統

諾敏發紅衣礮八位礮手各一人星夜送至軍前備攻城之用徐治都所增標兵五千招募不免遲緩其以均州房縣所裁鎗標之

兵及內地綠旗兵調往至巫山夔州諸要地宜速發兵鎮守副都統得爾德可率兵往彝陵彈壓地方○定遠平寇大將軍貝子章

泰奏臣等恢復鎮遠卽分遣官兵進取貴陽十月十七日復平越府並復新添龍里二衛二十一日直抵省城逆渠吳世璠僞將劉國炳吳應麒等率眾夜遁遂復貴陽府其餘安順石阡都勦諸府亦以次收復貴州全定得旨嘉獎下部議敘○發帑金十萬濟常熟縣白茆港武進縣孟漬河○丙寅撫還大將軍都統大學士公圖海奏瀘州逃散綠旗官兵不敢還營近永甯失陷建昌路阻若不速行收撫將來或投入賊營或相聚爲亂其害匪細宜招撫還營仍給糧補伍得旨著總督哈占將軍王進寶速招逃兵入伍俾贖罪圖功○丁卯振武將軍鄂克濟哈等奏臣等於閏八月十八日平兵復瀘州九月十二日進兵至托川呀與賊遇自午至酉我師奮勇攻擊賊大敗棄營宵遁下部議敘○庚午四川陝西總督哈占奏臣於十月二十四日抵保寧一面酌兵防守昭化蒼溪諸隘一面揀選精銳付總兵官高孟一路由順慶達州進取營山一路由南部進取營山復由營山會取渠縣俟剿滅彭時寧平定川北後再進剿川東逆賊譚宏得旨保甯關繫重要總督哈占暫駐鎮守俟將軍王進寶到日哈占卽率大兵剿譚彭二賊○吏部議覆直隸巡撫于成龍奏凡州縣被劫者例經府道揭報督撫訪聞乃州縣於參後復據抬往事詳揭府道風不可長請定反噬計告處分之例查定例京察大計降革官員有桀言控告者將所告不准行有冠帶者革職無冠帶者送刑部治罪嗣後被參官員將上司計告者照此例一體處分從之○癸酉轉黃機爲吏部尚書山西○甲戌振武將軍鄂克濟哈奏吳丹解將軍任後兩路官兵俱臣統領但建昌永甯相去千餘里一身不能兼顧請分設帥進取永甯上命署西安將軍佛尼勒爲建威將軍調還永甯一路滿漢大兵與總督哈占會商剿賊○乙亥子廣東陣亡縣丞陶之後官廩內子四川陝西總督哈占奏川北總兵官高孟敗賊於南溪橋等處復營山縣得旨嘉獎下部議敘○戊寅以魏象樞爲刑部左侍郎山西○辛巳以陳一炳爲刑部左侍郎山西○壬午純親王富爾祐倫薨上輟朝三日○癸未四川陝西總督哈占奏川北總兵官高孟進兵羅石橋大敗賊兵斬獲甚眾又圍逸賊於靈鷲寨殺僞總兵魏仰武等下部議敘○甲申綏遠將軍湖廣總督禁軍統領柴榮奏山西提督周卜世等於本月十四日進兵攻克塘頭隘口十五日復思南府得旨嘉獎下部議敘○定遠平寇大將軍貝子章泰奏僞侍郎郭昌邱元僞總兵臧世遠齊聘金文臺等率僞文武各官一百七十五員兵一千三百餘名投誠○乙酉刑部等衙門議覆大將軍圖海等解來京之僞朱三郎楊起隆又名朱慈瑞與康熙十二年攀榮之楊起隆妻馬氏及原夥鄭得勝等並不識且面有刺字疤痕明係旗下逃人入楊起隆轄內知其緣由遂借楊起隆之名於陝西造反應照律凌遲處死其馬氏等仍監禁俟緝獲楊起隆另結從之

十二月庚寅湖廣巡撫王新命奏逆賊譚宏侵犯夔州掠取糧艘得旨夔州乃運糧要地令護軍統領佟佳署副都統張長率平兵速取夔州並令王新命速發徐治都新添標兵前往更檄副都統得爾德總兵官嚴宏加意防守彝陵諸要害○壬辰以徐元文爲左都御史山西○癸巳署廣西巡撫右理事官麻勒吉奏撫蠻滅寇將軍傅宏烈於貴陽陷賊被授以僞職不屈十月初六日遇害得旨傳宏烈自投誠以來效力粵西著有勞績陷賊不屈捐軀殉難忠節可嘉深爲可憫應得卹典著從優議奏○甲午四川巡